



1491 1642

Broj: 27-01-05-28024/17

Sarajevo, 04.12.2017 godine

SKUPŠTINA KANTONA SARAJEVO

N/R Prof. Ane Babić, Predsjedateljice

- ovdje -

Zastupnik Mario Vukasović je na 33. Radnoj sjednici Skupštine Kantona Sarajevo, održanoj dana 02.10.2017. godine, u okviru tačke Dnevnog reda, "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, **postavio je zastupničku inicijativu prema Ministarstvu komunalne privrede i infrastrukture kojom se traže informacije vezane za preduzeće "BAGS ENERGETEHNKA" d.d. Vogošća**

Zastupnička inicijativa u okviru kojeg su tražene informacije je slijedećeg sadržaja:

Poštovani,

"Interesuje me u kojoj fazi se nalazi proces razdvajanja preduzeća "Bags-Energetehnika" d.d. Vogošća na kompatibilne dijelove i njihovo integrisanje u rad preduzeća "KJKP Vodovod i Kanalizacija" i KJKP "Toplane".

Podsjećamo da su još 2015 dvije radne komisije za utvrđivanje stanja preduzeća Bags-Energetehnika donijela zaključak prema kojem je potrebno odmah izvršiti ovaj korak zbog bespotrebnih finansijskih gubitaka koje Kanton Sarajevo trpi.

Komisije su utvrdile da je postojanje ovog preduzeća, osim što je finansijski neisplativo također i zakonski neodrživo te da se izvorište "Peračko vrelo", transportni cjevovod sa pripadajućom opremom i objektima, te distributivna mreža mora odmah preuzeti od strane ViK-a.

Premijer je u svojim istupima istakao kako mali dioničari ne žele da nađu zajednički jezik sa Vladom KS te da postavljaju nerealne uslove. Podsjećam da KS mora zaštititi prije svega svoje interese u ovom slučaju i da u slučaju nemogućnosti odgovara sa malim dioničarima, Vlade KS mora povući navedene poteze i preuzeti ono što zakonom i priprada navedenim preduzećima.

Molimo Vas da mi u sklopu odgovora na inicijativu dostavite i sljedeće informacije:



- *Da li "Bags-Energotehnika" ima vodoprivrednu dozvolu za izvorište "Peračko vrelo"*
- *Koja su dugovanja preduzeća po osnovu koncesije prema KS ?*
- *Da li preduzeće izvršava svoje zakonske obaveze izvještavanja o emisijama u zraku ?*
- *Koji energent koriste, s obzirom da se radi o velikom zagađivaču ?*

U skladu sa članom 34. stav (4) Poslovnika o radu Vlade Kantona Sarajevo ("Službene novine Kantona Sarajevo", broj: 4/16 i 36/16), i u skladu sa stavom Vlade Kantona Sarajevo da pripremu na odgovore na poslaničko/zastupničko pitanje ili inicijativu daje resorno ministarstvo, i da isti je potrebno dostaviti u Službu za skupštinske poslove, kao i jedan primjerak u Stručnu službu Vlade Kantona Sarajevo, Ministarstvo komunalne privrede i infrastrukture Kantona Sarajevo daje slijedeći,

- odgovor -

U skladu sa odredbama Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, broj 15/13, 47/13, 47/15 i 48/16) ovaj odgovor dostavljamo u pisanom obliku Predsjedateljici Skupštine Kantona Sarajevo kako bi isti bio dostavljen zastupniku, kao i ostalim zastupnicima u Skupštini.

Ministarstvo komunalne privrede i infrastrukture Kantona Sarajevo odmah nakon dostavljanja zastupničkog pitanja 24.10.2017 godine, u skladu sa svojim nadležnostima isto je odmah uputilo, Ministarstvu privrede Kantona Sarajevo, Ministarstvu prostornog uređenja i zaštite okoliša Kantona Sarajevo i "BAGS ENERGOTEHNIKA" d.d. Vogošća na izjašnjenje kojim se traži odgovor.

U skladu sa navedenim, Uprava Privrednog društva BAGS ENERGTEHNIKA d.d. Vogošća su dostavili traženi odgovor po zastupničkom pitanju, a koji u cijelosti svog sadržaja prenosimo u izvornom obliku:

"BAGS ENERGOTEHNIKA" d.d. Vogošća

U toku 2015 godine, Komisije formirane od strane Mnistarstva za komunalnu privredu i infrastrukturu Kantona Sarajevo uglavnom su tretirale tehniku stranu rješavanja problema u poslovanja privrednog društva "BAGS ENERGOTEHNIKA" d.d. Vogošća, te izašli sa prijedlogom razdvajanja Društva i pripajanjem njegovih tehnoloških cjelina drugim Društvima, bez da se u fokus stave i pravne regule sadržane u Zaknu o privrednim društvima FbiH/SI. Novine FbiH br. 81/15/, a koje se tiču predmetne problematike.

Privredno društvo "BAGS ENERGOTEHNIKA" d.d. Vogošća je dioničko društvo otvorenog tipa, što znači da se dionice nalaze na berzi i slobodne su za trgovanje na ovom dijelu finansijskog tržišta putem odgovarajućih brokerskih kua koje su jedino ovlaštene za ovakvu vrstu transakcija. Obzirom da stakeholder autonomno odlučuje o cijeni dionice i njenoj visini, to su nastojanja Vlade Kantona



web: <http://mki.ks.gov.ba>
 e-mail: mki@mki.ks.gov.ba
 Tel: + 387 (0) 33 562-086, Fax: + 387 (0) 33 562-177
 Sarajevo, Reisa Džemaludina Čauševića 1



Sarajevo za transakcijom prilično limitirana jer zavise od pružene cijene dionice na koju ne mogu uticati.

Kada su u pitanju procesi odnosno procedure "Promjena oblika, pripajanja i spajanja odnosno prestanka i podjela Dioničkog društva" ... Poglavlje VI. Zakona o privrednim društvima FBiH, vrlo precizno je definisan način, metod i dinamika u pogledu strukturalnih promjena u ovoj vrsti Društava.

U odjeljku B. /**Pripajanje i spajanje** / Članovima 279. stav 1,2,3, i 4 jasno je definisan put realizacije ovakvih promjena sa aspekta prava i obaveza Društva koje se pripaja, ako i Društva sljednika /Društva kojim se pripaja/. Kada se zna da su Društva kojim bi se eventualno pripojilo naše Društvo u 100 % državnom vlasništvu /KJKP ViK i KJKP Toplane Sarajevo/, to je realizacija ovakvih planova zakonski veoma upitna, prije nego se ne riješe pitanje privatnog dioničkog kapitala.

Privredno društvo "BAGS ENERGOTEHNIKA" d.d. Vogošća posjeduje Rješenje o vodnoj dozvoli br.UP-I/25-3-40-829-3/13 od 18.04.2014 godine izdate od strane "Agencije za vodno područje rijeke Save", Sarajevo za eksploataciju pitke vode sa izvorišta "Peračko vrelo".

Od strane Ministarstva privrede Kantona Sarajevo pokrenute su Tužbe kod nadležnog Suda vezao za koncesionu naknadu za period 2012-2016 godinu u ukupnom iznosu od preko 20 miliona KM / precizno 20.101.337 KM / Sudski proces po ovom pitanju je u toku.

Društvo redovno vrši monitoring i dostavlja Izvještaje o mjerenju emisije zagađujućih materija u atmosferu Ministarstvu prostornog uređenja, građenja i zaštite okoliša Kantonu Sarajevo kao i Fondu za okoliš.

Kao pogonski energent za proizvodnju toplotne energije, koristimo niskosumporni mazut sa 1 % sadržaja sumpora koji je kao takav certificiran od strane dobavljača odnosno proizvođača.

U skladu sa navedenim, Ministarstvo prostornog uređenja, građenja i zaštite okoliša Kantona Sarajevo su dostavili traženi odgovor po zastupničkom pitanju, a koji u cijelosti svog sadržaja prenosimo u izvornom obliku:

Dana 25.10.2017 godine u ovom Ministarstvu je zaprimljen vaš dopis, u kojem navodite, da je zastupnik Mario Vukasović na 33. Radnoj sjednici Skupštine Kantona Sarajevo pokrenu zastupničku inicijativu vezanu za preduzeće "Bags-Energotehnika" d.d. Vogošća. Između ostalog, zastupnika Vukasovića zanima, da li "Bags-Energotehnika" izvršava svoje zakonske obaveze izvještavanja o emisijama u zrak, te koji energent koriste.

S tim u vezi, obavještavamo vas o slijedećem:

Federalno ministarstvo okoliša i turizma izdalo je preduzeće "Bags-Energotehnika" d.d. Vogošća okolinsku dozvolu broj: UPI 05/2-23-5-467/10 od 20.02.2013 godine, a nadzor nad provođenjem iste vrši Federalna okolišna inspekcija. Rok važenja okolinske dozvole je do 20.02.2018 godine. Uvidom u okolinsku dozvolu, utvrđeno je, da predmetno preduzeće posjeduje pet kotlovskih



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



jedinica, dvije na mazut i tri na ugalj, ukupne instalisane snage 46 MW. Okolinskom dozvolom su propisane mjere zaštite okoliša, granične vrijednosti emisije, monitoring i način izvještavanja.

Prema odredbama okolinske dozvole preduzeće "Bags-Energotehnika" d.d. Vogošća je dužno jednom godišnje vršiti mjerenje emisije zagađujućih materija u zrak. Shodno članu 34. stav (3) Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo", broj: 23/16), i operatori pogona i postrojenja iz federalne nadležnosti dužni su, da o rezultatima monitoringa emisija zagađujućih materija u zrak izvještavaju i ovo Ministarstvo.

Uvidom u bazu podataka postrojenja za sagorijevanje (kotlovnica), koju za potrebe ovog Ministarstva vodi Zavod za informatiku i statistiku Kantona Sarajevo, utvrđeno je da "Bags-Energotehnika" d.d. Vogošća redovno izvršava ovu obavezu. Zadnje mjerenje emitirane količine polutanata u dimnim gasovima iz kotla snage 15,6 MW, koji kao energent koristi mazut, je izvršeno 14.03.2017. god. od strane akreditovane firme "Inspekt – RGH" d.o.o. Sarajevo. Rezultati mjerenja, koji su dati u tabeli, pokazuju, da su emisije polutanata niže od graničnih vrijednosti propisanih Pravilnikom o graničnim vrijednostima emisije u zrak iz postrojenja za sagorijevanje Federacije BiH ("Službene novine Federacije BiH", broj 3/13).

Parametri mjerenja	Rezultati mjerenja (mg/m ³)	Granična vrijednost emisije (mg/m ³)
CO	70,3	80
NOx	316,8	350
Čvrste čestice	-	50
SOx	927,7	1300

Budući da je mjerenje izvršeno samo za jedan kotao, ovo Ministarstvo je kontaktiralo firmu "Inspekt – RGH" d.o.o. u cilju razjašnjenja, zašto mjerenje nije izvršeno za sve kotlove. Tom prilikom smo dobili informaciju, da je u preduzeću "Bags-Energotehnika" u funkciji samo jedan kotao na mazut snage 15,6 MW.

Želimo da Vam uputimo riječi izvinjenje što u kraćem vremenskom roku nismo odgovorili na predmetni dopis. Naime, u proteklom periodu i pored urgencija nismo dobili odgovor od Ministarstva privrede Kantona Sarajevo, a koje se tiče zakonskog propisa odnosno Odluke o plaćanju naknade za eksploataciju vode na području Kantona Sarajevo ("Službene novine Kantona Sarajevo", broj 29/12) koja je u nadležnosti ovog Ministarstva.

"Agencija za vodno područje rijeke Save" Sarajevo, rješavajući po zhtjevu "BAGS – ENERGOtehNIKE" d.d. Vogošća sa sjedištem u ul. Igmanska bb, 71 320 Vogošća, za izdavanje vodne dozvole za zahvatanje vode na Peračkom vrelu, sa kojeg se vrši snabdijevanje vodom potrošači u krugu industrijskog kompleksa UNIS u Vogošći i filterskog postrojenja Vogošća kojim gazduje KJKP "ViK" Sarajevo, na osnovu člana 109. stav (1) tačka 1. i člana 139. stav (1) tačka 1. Zakona o vodama ("Službene novine Federacije Bosne i Hercegovine", broj 70/16, i na osnovu člana 200. stav 1. Zakona o upravnim postupku ("Službene novine Federacije Bosne i Hercegovine",



broj 2/98 i 49/99), donijelo je **Rješenje o vodnoj dozvoli**, broj UP-I/25-3-40-829-3/13 od 18.04.2014 godine. U Rješenju o vodnoj dozvoli korisniku objekta za zahvatanje vode "Bags – Energotehnika" d.d. Vogošća, na Peračkom vrelu, u količini do 120 l/s, za potrebe snabdijevanja pitkom vodom potrošače u krugu industrijskog kompleksa "UNIS" u Vogošći i filterskog postrojenja Vogošća, kojim gazduje KJKP "ViK" Sarajevo.

U vodnoj dozvoli se navode uslovi pod kojim se može vršiti zahvatanje vode na objektima u sklopu Peračkog vrela, a između ostalog navodi se i određuje period od (4) četiri godine od dan izdavanja ovog rješenja, odnosno ova dozvola važi do 20.04.2018 godine.

S poštovanjem,



MINISTAR

Senad Hasanspahić

Dostaviti:

1. Naslovu;
2. Stručna služba Vlade Kantona Sarajevo;
3. Evidencija;
4. Arhiva.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1

